



Poputan pochokunan September 28, 2020

Kapasen Ourour Ren Suksefanin Neni Unusen Ei State – Sakopaten Nenien Amomo Non me Nukun me Ekkewe Nenien Kimpiokai

Pochokunen Nemenem: Otutun Nampa. 20-27, ORS 433.441, ORS 433.443, ORS 431A.010

Pwouetan: Ei kapasen ourour fan iten ekkewe chon omwokutu me chon awora pisekin amomo ngeni ekkewe nenien amomo me nenien kimpiokai non me nukunnon unusen ei state.

Ei ourour ese mwutata ew neni ika sopai epwe suk ika pwe ewe neni ese mwumwuta me fan nurun ewe Otutun ika non ewe tichikin-ourour ngeni ekkewe kinikinin nenien angang.

Angangen Apochokuna: Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, an epwe tufich wor pochokunan usun mei affat non ewe Otutun 20-27, teten 26.

Awewen foos: Fan iten ei ourour, ekkei awewen foos repwe tongeni wewefich ngeni:

- “Nenien amomo non me nukun” wewen ew nenien amomo non ika nukun me non ekkewe neni an mwuun ian ir mei amomo masowen non atake, mongo, pisek, iwe angang amomo e fis meren ekkewe chon wisen awora masowen ekkewe nenien amomo, napengeni seni ar kewe booth ika chepen, iwe ekkewe chon amomo erpwe moni niwin ar repwe amomo ar mettoch ikewe. Nenien amomo non me nukun mei pachenong nge ese pwan kouk ren ekkewe chon iasai, flea market, kimpiokai ren antikraf, me pwan ekkoch nenien amomo ese pachenong ar repwe wawa fengen ika fori angangen exhibit. Nenien amomo non me nukun ese pwan pachenong ekkewe sitowa ika watten nenien shopping ika mall.
- “Nenien kimpiokai” wewen ew mettoch mei fis nukun mei menei an epwe kesipeno ekkewe anen toraku ian mei wor amomo mongo, pisek iwe ekkewe chon awora pisekin amomo repwe moni ar repwe pachenong non ewe angangen amomo. Ew nenien kimpiokai ese pwan pachenong ar repwe wawa fengen ika fori angangen exhibit.
- “Chon Awora Pisekin Amomo” wewen ew nenien sopai mei amomo mongo, pisek ika aninis ngeni ew nenien amomo non, nukun ika ngeni ekkewe nenien kimpiokai ier mei pwan tongeni epwe moni ika esapw moni an epwe pachenong non ewe angang.
- “Chon omwokutu” wewen emon aramas a wisen mesemes won nemenemen me omwokutun ew nenien amomo non ika nukun ika ew nenien kimpiokai.

Ekkewe chon omwokutu ma chon awora pisekin amomo non ekkewe nenien amomo non me nukun me nenien kimpiokai mei menei pwe repwe fori:

- Anneani me anganga [Unusen Eureur ren Nenien Angang](#).
- Nengenisefani me anganga [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State](#).

Chon omwokutu ekkewe nenien amomo non me nukun me ekkewe nenien kimpiokai mi menei repwe:

- Pacheta [sain epwe fat](#) (mei wor won healthoregon.org/coronavirus) iteiten ekkewe esisinen COVID-19; that list COVID-19 symptoms; tingorei ekkewe chon awora pisekin amomo, chon angang me kastomer ion mei wor ren ekkewe esisin pwe repwe nomwonong non imwer; iwe pwan atatetenatiw ion repwe kokori ren an epwe anisir.
- Tumunufichi ekkewe nenien fetanin asepan epwe mwirino. Anapano fetanin asepan ren omw kopwe suki ekkewe asamacho me asam. Ekkewe neni non, repwe aea saipo ika pwe asamacho me asam mi suuk ngeni nukun an epwe fetan asepanin non me nukun. Kosapw suki ekkewe asamwacho me asam ika pwe epwe efeiangaw ngeni nonomwun pochokunen ekkewe chon angang ika kastomer.
- Awora neni epwe imwuno, pachenong imwen ngaseno, ika pwe mei nap seni ew nenien amomo non me nukun ika nenien kimpiokai mei suuk non ew chok fansoun me non ew chok neni.
 - Kastomer, chon awora pisekin amomo me chon angangen ekkewe nenien amomo/kimpiokai repwe chok aea ew neni mei affat fan iten ewe nenien amomo ika kimpiokai.

Ngeni ukukun an epwe tufich, ekkewe chon omwokutu ekkewe nenien amomo non/nukun me nenien kimpiokai, repwe nge ese pwan menei ar repwe fori:

- Pesei ngeni chon awora pisekin amomo/chon katon/chonfiti ar repwe tonu pour ngeni sopw me konik non ukukun 20 seken ika aea hand sanitizer (epwe wor 60-95% arukor non) iteitan.
- Awora hand sanitizer (60-95% arukor non) ren ekkewe asamen tonong.
- Awora ekkewe plastic ika kinas mei kurufat epwe nomw mesen ewe nenien cashier ika ewe counter ren nenien kastomer, ika pwan ren ekkoch kinikinin non ewe neni ikewe ewe onuw (6) fit epwe weires ngeni nefinen chon angang me kastomer.
- Eimufeseni asamen tonong/tou ren chon angang me/ika ekkewe chon awora pisekin amomo, ika pwe epwe tufich.

Ngeni ukukun an epwe tufich, ekkewe chon awora pisekin amomo ngeni ekkewe nenien amomo non/nukun me nenien kimpiokai, repwe nge ese pwan menei ar repwe fori:

- Onnuku seni kastomer ar repwe asaisir non pisek epwe pacheta won maas (mangak, pwonupwonun aaw me pwot, scarf, achimaki, minen maas).

- Ika pwe epwe kawor nenien asais non pisek ngeni kastomer, pesei ngenir ar repwe tonu pour ika aea hand sanitizer me mwan me murin ar asaisi inisir non ekkewe pisek. Chon awora pisekin amomo repwe awora hand sanitizer ika nenien tonu paw unukun ekkewe rumwen asais. **Chechemeni:** Ese wor mettoch mei pwarata pwe oisekin ufouf pwan anen an epwe choufetan ewe coronavirus. Efeiengawen ewe samwaaun ren ena nikinikin ese kon nap an epwe fis. Met pisek mei piin an aramas asaisir non ekkewe rumwen asais repwe mwo ekis nonomw ika pwe ewe chon awora pisekin amomo mei mefi nuokusun an epwe wor monun samwaaun won ewe pisek me murin an emon tonong non.
- Awora ekiakin ekkoch anen order me pick up me mwan, awewe ren pick up nepekin chok an, ika pwe mei och me ururoch ngeni.
- Ren kamotiw nounou ekkewe sokkun mwesin esapw kamotiw won moni me kesapw pwan attapa och mettoch, pwe esapw pwan wor omw kopwe kanengeni ewe kastomer.

Towaw fesen me Chochoon

Chon omwokutu ekkewe nenien amomo non me nukun me ekkewe nenien kimpiokai mi menei repwe:

- Me nukun chok ekkewe Nenien lasai, eukuku ukukun chochon aramas non ew neni ngeni 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika ewe ukukun aramas, mei pachenong chon angang, anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun.
- Tumwunuw pwe kastomer, chon angang me chon awora pisekin amomo repwe towaw fesen epwe onuw (6) fit nefinen emon aramas ngeni pwan emon, chinon chok ika ir chon ew mwich ir mei tongeni uta fengen resapw pwan towaw fesen non ukukun onuw (6) fit. Towaw fesen non ukukun onuw (6) fit epwe ponuweta nefinen fitu sokkun mwich.
- Pacheta sain epwe pwarata pwe mei auchea repwe atowawa nefiner me emon non unusen ewe nenien amomo metoch ika ewe nenien kimpiokai, pachenong ekkewe nenien nonomw, mongo me neni unukun ekkewe imwen ngaseno.
- Apocokuna ngenir ar repwe fetan non ew-chok nenien fetan epwe affat ren nenien tonong me tou, nge esapw wor ar repwe eppet ekkewe nenien tou fansoun kar. Aea sain an epwe aiti ngeni aramas ew-chok nenien fetan.
- Aea sain ika tep won simen an epwe aiti ngeni aramas koukun towawen nefiner me emon nupwen repwe utiwit ren ewe nenien cashier.
- Awora emon (1) epwe wisen chok nenengeni fetanin an epwe ukukun 50 aramas an epwe pwonuweta met mei affat non ourour ren koukun towawen nefinen aramas me pwan ukukun chochoon aramas epwe wor non me nukun iteiten fansoun meinisin.
- Fori ekkewe nenien momot me kokotun ponuwetan towaw fesen nefinen fitu mwicheich. Ika pwe epwe kawor mongo me minen un non ewe neni, fori ekkewe nenien momot me

kokotun non ewe nenien mongo me un ar repwe fiti ngeni met masowen ewe [Phase Ew](#) ika [Phase Ruw Ourour fan iten Nenien Mongo me Bar](#).

- Kosapw ochufengeni fitu mwich repwe aea fengen ew kinikinin nenien momot ika esapw ir chiechi.
- Omokutau ika euku nenien momot ika uta fan iten ponuwetan ewe ukukun onuw (6) fit towawen nefien fitu mwicheich.
- Kosapw mutata aramas seni fitu mwicheich repwe kochufengen non kinikinin ewe neni, ren non me nukun, pwan pachenong ekewe nenien park chitosa.
- Awora emon epwe tumunu ponuwetan towaw fesen ngeni meinisin, ren pen ekkewe asamen tonong, tou, imwen ngaseno me neni chomong aramas repwe mochu fengen ie.

Chon omwokutu ekkewe nenien iasai mi menei repwe:

- Eukuku ukukun kastomer non ekkewe nenien iasai me pwan fori an epwe ponuweta ewe onuw (6) fit towawen nefinen kastomer me chon angang non ewe nenien amomo. Chon omwokutu ekkewe nenien iasai repwe nengeni epwe ifan koukun choochoon aramas pwe epwe ponuweta ukukun onuw (6) fit nefinen aramas, ren ar repwe nenengeni ekkewe kinikinin ian ekan kon ina nenien chommongun aramas (usun ren nenien fetan) me eukukuw chon repwe tonong anongonong won ifan koukun aramas.

Nimenim me Nieno Paikin

Chon omwokutu ekkewe nenien amomo non me nukun me ekkewe nenien kimpiokai mi menei repwe:

- Nimeti me aia ekewe nimenimen nieno paikin non ekkewe nenien angang, nenien chomongen aramas, me won ekkewe mettoch aramas ir mi attapa non nenien kastomer/aramas ese nifinifin me chon angang non kinikinin ewe nenien amomo ika kimpiokai. Awewe ren, nimetatiw won ekkewe nenien momot iteiten nefinen an epwe wor chon aea. Aea nimenimen nieno paikin mei pachenong non noun [Environmental Protection Agency \(EPA\) taropwen mei punguno](#) fan iten SARS-CoV-2 virus ewe mei forata COVID-19. Ese wor pisekin nimenim mei mak COVID-19, nge mei wor pisekin nimenim mei afat ika porousan epwe nom won ar website ren usun aean me ochun aean nieno ewe coronavirus mei fetan seni aramas.
- Fori pwe ekkewe chon awora pisekin amomo repwe enimenima iteitan me nimeti monun paikin non ekkewe nenien angang, neni mei chomong aramas re soun nomw ian, me pwan neni ian aramas mei soun attapeta won ren non kinikinin an ewe chon awora pisekin amomo we neni. Awewe ren, nimetatiw won ekkewe nenien momot iteiten nefinen an epwe wor chon aea. Aea nimenimen nieno paikin mei pachenong non noun [Environmental Protection Agency \(EPA\) taropwen mei punguno](#) fan iten SARS-CoV-2 virus ewe mei forata COVID-19. Ese wor pisekin nimenim mei mak COVID-19, nge mei wor pisekin nimenim mei afat ika porousan epwe nom won ar website ren usun aean me ochun aean nieno ewe coronavirus mei fetan seni aramas.

- Finata emon (1) ren pekin nimenim epwe nimeti imwen ngaseno iteiten mwirin ew awa non fansoun an suuk ew neni, me tumwunuw epwe naf pisek (awewe, sop, churukami, sanitizer mei wor 60-95% arukor non) iteiten fansoun mei wor met mei fis.
- Finata emon (1) chon pekin tumwunuw nimoch epwe wisen nimeti me aea nimenimen paikin non ekkewe neni, ikewe chomong ir mei soun nom ie, me ekis meinisin mei chomong chon atapa ie ren chon angang me kastomer.

Pwan sopwosopwun met ekkewe chon omwokutu ma chon awora pisekin amomo non ekkewe nenien amomo non me nukun me nenien kimpiokai mei menei pwe repwe fori:

- Ika pwe epwe kawor mongo me minen unn, nengeni sefani me anganga met mei ururoch ngeni me non ewe Ourour Fan iten Nenien Mongo me Bar ([Ekkewe kukun sopw non nomw non Phase Ew](#); [Ekkewe kukun sopw ra nomw non Phase Ruw](#)).
- Ika pwe epwe kawor aninis ngeni emon me emon, nengeni sefani me anganga ewe [Ourour fan iten Angangen Aninis Ngeni Emon](#).
- Ika pwe epwe wor met chon kamo repwe sotuni ne anenna, ekkewe chon awora pisekin amomo mei menei pwe repwe awora non nenian epwe opunguno unusan (awewe ren, neni mei wor opungun, ika wrapper) iwe repwe pesei ngeni kastomer ar resapw ani ika unumi ekkewe mongo minen sotuni ika anenna me non ewe-neni. Minen sotuni ne anenna repwe einet ngeni, emon me emon, kastomer, fengen me esapw tou non nikinikin an emon epwe pusin-anisi ika nikinikin-buffet.

Ourour fan iten ekkewe Local Government

Local governments ir mei ketiweu me non ewe koukun chochon aramas non ei ourour nupwen repwe fori ar angang non ar kewe imwen mwuun me non an mwuun neni mei nomw won lease. Local government repwe fiti ngeni ewe koukun chochoon aramas non ei ourour nupwen repwe fori ar mwokutukut esapw an-mwuun non ekkewe imwen mwuun ika non ekkewe neni an mwuun ika mei nomw won lease, awewe ren nge ese pwan kouk ren ekkewe kimpiokai an ekkewe kukun sopw ika city. Local government repwe fiti ngeni ewe koukun chochoon aramas non ei ourour nupwen repwe rentini ika mwutata aean ekkewe imwen mwuun ika neni an mwuun ika mei nomw won lease ren sokkun mwokutukut esapw an-mwuun.

Nupwen repwe wisen masamas won ew mwichen apwapwa me urumwot ika mwokutukut, pekin mwuun non ekkewe city me kukun sopw mei menei pwe repwe:

- Fiti ngeni [Kapasen Ourour Ren Suksefanin Neni Unusen Ei State - Emwicheich, Chufengenin-Mwich mei fis Non](#) iwe pwan eukuku koukun chochoon aramas repwe fiti, me non ekkewe kukun sopw ra nomw non Phase Ew.
- Fiti ngeni ewe [Ourour Ngeni Ekkewe Chon Omwokutu Ekkewe Nenien Kukunwou me Apwapwa non ei Phase Ruw](#) iwe repwe eukuku koukun chochoon aramas repwe fiti, non ekkewe kukun sopw ra nomw non Phase Ruw.
- Aponuweta met mei pwan wenengeni [an OHA ourour ren ekkewe kinikinin nenien angang](#), pachenong ouour fan iten ekkewe nenien mongo me bar.

Pwan ekkoch nongonong:

- [Sain ka tongeni pacheta](#)
- [Ourouren Pwonupwonun Aaw me Pwot, Pwonupwonun Maas, me Eppetin Maas](#)
- [An OHA Kapasen Ourour Ngeni ekkewe Nenien Angang](#)

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Pworousen Health won 1-971-673-2411, 711 TTY ika COVID19.LanguageAccess@dhsosha.state.or.us